

KANDUNGAN

Apakah itu malam al-Qadar	1
Kelebihan Malam al-Qadar	2
Bilakah Lailatul Qadar Terjadi	2
Tanda-tanda Malam al-Qadar	3
Bagaimana Memburu Pahala Lailatul Qadar	3
I'tikaf	4
Fiqh Wanita	7

Imam az-Zuhri berkata:

Pelik sungguh keadaan orang Islam. Mereka meninggalkan i'tikaf sedangkan Rasulullah sallallahu 'alaihi wasallam tidak pernah meninggalkannya sejak baginda datang ke Madinah sehingga baginda wafat.

[Al-I'tikaf Nazrah Tarbawiyah]

Buletin Al-Kahfi

Memburu Lailatul Qadar

Apakah itu malam al-Qadar

Malam yang penuh keberkatan

Allah Ta'ala berfirman,

إِنَّا أَنْزَلْنَاهُ فِي لَيْلَةِ مُبَارَكَةٍ إِنَّا كُنَّا مُنْذِرِينَ ,
فِيهَا يُفْرَقُ كُلُّ أَمْرٍ حَكِيمٍ

Sesungguhnya Kami menurunkan-annya pada suatu malam yang diberkati dan sesungguhnya Kami lah yang memberi peringatan. (3) Pada malam itu dijelaskan segala urusan yang penuh hikmah. (4) [Ad-Dukhan: 3-4].

Malam yang diberkati di atas bermaksud malam Lailatul Qadar. Ini berdasarkan firman Allah Ta'ala di bawah:

إِنَّا أَنْزَلْنَاهُ فِي لَيْلَةِ الْقَدْرِ

"Sesungguhnya Kami telah menurunkannya (Al Quran) pada malam al-Qadar." [Al-Qadar: 1]

Kelebihan Malam al-Qadar

1. Pahala amalan kebaikan digandakan lebih baik daripada jumlah pahala beramal selama 1000 bulan

2. Kesejahteraan sehingga masuk waktu Subuh

لَيْلَةُ الْقَدْرِ خَيْرٌ مِنْ أَلْفِ شَهْرٍ , تَنَزَّلُ الْمَلَائِكَةُ وَالرُّوحُ فِيهَا بِإِذْنِ رَبِّهِمْ مِنْ كُلِّ أَمْرٍ , سَلَامٌ هِيَ حَتَّى مَطْلَعِ الْفَجْرِ

"Malam kemuliaan itu lebih baik daripada seribu bulan. Pada malam itu turun malaikat-malaikat dan malaikat Jibril dengan izin Tuhannya untuk mengatur segala urusan. Malam itu (penuh) dengan kesejahteraan hingga terbitnya fajar." [Al-Qadar: 3-5].

عَنْ أَبِي هُرَيْرَةَ ، قَالَ : قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ : " أَتَاكُمْ رَمَضَانُ شَهْرٌ مُبَارَكٌ ، فَرَضَ اللَّهُ عَزَّ وَجَلَّ عَلَيْكُمْ صِيَامَهُ ، تُفْتَحُ فِيهِ أَبْوَابُ السَّمَاءِ ، وَتُعَلَّقُ فِيهِ أَبْوَابُ الْجَحِيمِ ، وَتُغْلَقُ فِيهِ مَرَدَةُ الشَّيَاطِينِ لِلَّهِ ، فِيهِ لَيْلَةُ خَيْرٍ مِنْ أَلْفِ شَهْرٍ ، مَنْ حَرَّمَ خَيْرَهَا فَقَدْ حَرَّمَ "

Abu Hurairah radiallyu 'anhu berkata: Rasulullah sallallahu 'alaihi wasallam bersabda: Telah datang kepada kamu bulan Ramadhan yang penuh keberkatan. Allah telah memfardhukan ke atas kalian untuk berpuasa. Pintu-pintu langit telah dibuka, pintu-

pintu neraka telah ditutup. Syaitan-syaitan telah dirantai kerana Allah. Padanya terdapat satu malam yang lebih baik daripada seribu bulan. Sesiapa yang diharamkan daripada kebbaikannya, maka sesungguhnya benar-benar di haram daripadanya. [Imam an-Nasaie dalam as-Sunan al-Sughra, Kitab as-Siyam, hadis no : 2089]

3. Keampunan buat yang menghidupkan malam tersebut

عَنْ أَبِي هُرَيْرَةَ رَضِيَ اللَّهُ عَنْهُ ، عَنِ النَّبِيِّ صَلَّى اللَّهُ عَلَيْهِ وَسَلَّمَ ، قَالَ : " مَنْ قَامَ لَيْلَةَ الْقَدْرِ إِمَانًا وَاحْتِسَابًا ، غُفِرَ لَهُ مَا تَقَدَّمَ مِنْ ذَنْبِهِ

Abu Hurairah radiallyu 'anhu meriwayatkan Nabi sallallahu 'alaihi wasallam bersabda: Sesiapa yang menghidupkan malam lailatulqadar dengan penuh keimanan dan mengharapkan (pahala), diampuni dosa-dosanya yang terdahulu. [Sahih al-Bukhari, Kitab al-Sawm, hadis no: 1778]

Bilakah Lailatul Qadar

Amalan Hati

قال جوير : قلت للضحاك :
أرأيت النفساء و الحائض و
المسافر و النائم لهم في ليلة
القدر نصيب ؟ قال : نعم كل
من تقبل الله عمله سيعطيه
نصيبه من ليلة القدر .

Juwaibir berkata : Aku bertanya kepada ad-Dhohak r.h.m : Adakah engkau berpendapat mereka yang haidh, musafir, dan tidur akan tetap memperoleh ganjaran Lailatul Qadar? Jawab ad-Dhahak : Ya! Setiap orang yang Allah menerima amalannya, maka Allah akan memberi ganjarannya daripada malam Lailatul Qadar .

إخواني المعول على القبول لا
على الاجتهاد و الاعتبار ببر
القلوب لا بعمل الأبدان رب
قائم حظه من قيامه السهر كم
من قائم محروم و كم من نائم
مرحوم نام و قلبه ذاكرو و هذا
قام و قلبه فاجر

Saudaraku, syarat untuk diterimanya amalan bukanlah sekadar pada usaha yang ada, sebaliknya ia bergantung kepada kebaikan hati, bukan jua sekadar pada amalan badan.

Boleh jadi orang yang bangun malam hanya memperoleh keletihan daripada bangunnya itu. Berapa ramai yang bangun malam haram (daripadanya kelebihan Lailatul Qadar) dan berapa ramai yang tidur dirahmati (dengan Lailatul Qadar) kerana tidurnya dalam keadaan hatinya mengingati Allah. Sedangkan yang bangun tadi hatinya busuk.

[Lathoif al-Maarif m/s : 166]

1.Malam 10 akhir Ramadhan khususnya malam-malam ganjil

Al-Imam Ibn Hajar al-Asqalani dalam Fathul Bari mengemukakan hampir lebih empat puluh pendapat tentang bilakah berlakunya malam al-Qadar. Dan yang paling hampir kepada kebenaran ialah ialah ia berlaku pada malam ganjil sepuluh akhir Ramadhan. Ini berdasarkan riwayat-riwayat berikut:

عَنْ عَائِشَةَ ، قَالَتْ: كَانَ رَسُولُ
اللَّهِ صَلَّى اللَّهُ عَلَيْهِ وَسَلَّمَ يُجَاوِرُ
فِي الْعَشْرِ الْأَوَاخِرِ مِنْ رَمَضَانَ ،
وَيَقُولُ : ” تَحَرَّوْا لَيْلَةَ الْقَدْرِ فِي
الْعَشْرِ الْأَوَاخِرِ مِنْ رَمَضَانَ

‘Aisyah radiallahu ‘anha berkata: Rasulullah sallallahu ‘alaihi wasallam sering mengasingkan diri (beri’tikaf) pada sepuluh akhir Ramadhan. Baginda sallallahu ‘alaihi wasallam bersabda: Carilah Lailatul Qadar pada sepuluh akhir Ramadhan [Sahih al-Bukhari, Kitab Solat at-Tarawih, hadis no : 1891]

عَنْ عَائِشَةَ رَضِيَ اللَّهُ عَنْهَا، أَنَّ
رَسُولَ اللَّهِ صَلَّى اللَّهُ عَلَيْهِ وَسَلَّمَ
قَالَ: ”تَحَرَّوْا لَيْلَةَ الْقَدْرِ فِي الْوُثْرِ
مِنَ الْعَشْرِ الْأَوَاخِرِ مِنْ رَمَضَانَ

‘Aisyah radiallahu ‘anha meriwayatkan, Rasulullah sallallahu ‘alaihi wasallam bersabda: Carilah Lailatul Qadar pada malam-malam ganjil daripada sepuluh malam yang akhir di bulan Ramadhan [Sahih al-Bukhari, Kitab Solat at-Tarawih, hadis no : 1888]

”الْتَمِسُوهَا فِي تِسْعٍ يَبْقَيْنَ أَوْ
فِي سَبْعٍ يَبْقَيْنَ أَوْ فِي خَمْسٍ
يَبْقَيْنَ أَوْ فِي ثَلَاثٍ أَوْ فِي لَيْلَةٍ

Abu Bakrah radiallahu ‘anhu berkata Rasulullah sallallahu ‘alaihi wasallam bersabda: Carilah (Lailatul Qadar) pada sembilan malam yang akhir, atau tujuh malam yang akhir, atau lima yang akhir, atau tiga malam yang akhir. [Sunan at-Tirmizi, Kitab as-Sawm, hadis no : 723, hasan sahih]

Al-Imam Ibn Hajar berkata

قوله -أي: الإمام البخاري- :

”باب تحري ليلة القدر في الوتر
من العشر الأواخر“: في هذه

الترجمة إشارة إلى رجحان كون

ليلة القدر منحصرة في رمضان

، ثم في العشر الأخير منه ، ثم

في أوتاره ، لا في ليلة منه بعينها

، وهذا هو الذي يدل عليه

مجموع الأخبار الواردة فيها ...

قال العلماء : الحكمة من
إخفاء ليلة القدر ليحصل
الاجتهاد في التماسها بخلاف ما
لو عينت لها ليلة لاقتصر عليها،
كما تقدم نحوه في ساعة
الجمعة .

Al-Imam Al-Bukhari memberikan bab (Mencari Malam al-Qadar pada malam ganjil di sepuluh akhir). Bab ini merupakan isyarat kepada kuatnya hujah bahawa malam al-Qadar hanya berlaku dalam bulan Ramadhan, kemudian ia berlaku pada malam sepuluh akhir daripadanya, kemudian ia berlaku pada malam-malam ganjil tersebut. Tidak ada satu malam yang khusus. Inilah yang ditunjukkan oleh riwayat-riwayat berkaitannya. Para ulama berkata: Hikmah dirahsiakan malam al-Qadar ialah agar manusia berusaha mencarinya berbanding jika didedahkan secara khusus bilakah berlakunya malam al-Qadar, nescaya manusia akan tidak lagi berusaha.

Tanda-Tanda Malam al-Qadar

Siang Selepasnya Tidak Panas

Ubay bin Ka'ab radiallahu 'anhu berkata:

هِيَ لَيْلَةُ صَبِيحَةِ سَبْعٍ وَعَشْرِينَ ، وَأَمَّا رُؤْيَا أَنْ تَطْلُعَ الشَّمْسُ فِي صَبِيحَةِ يَوْمِهَا بَيَاضًا لَا شُعَاعَ لَهَا . "

Petandanya ialah matahari akan terbit pada siang hari tersebut dengan cerah tetapi ia tidak panas terik [Sahih Muslim, Kitab Solat al-Musafirin, hadis no: 1278]

Ia juga dapat diketahui melalui mimpi

Ibn 'Umar radiallahu 'anhuma meriwayatkan bahawa beberapa orang sahabat nabi sallallahu 'alaihi wasallam bermimpi melihat malam al-Qadar pada tujuh akhir Ramadhan. Lalu Rasulullah sallallahu 'alaihi wasallam bersabda:

" أَرَى رُؤْيَاكُمْ قَدْ تَوَاطَأَتْ فِي السَّبْعِ الْأَوَاخِرِ ، فَمَنْ كَانَ مُتَحَرِّبَهَا فَلْيَتَحَرَّهَا فِي السَّبْعِ الْأَوَاخِرِ . "

Aku melihat mimpi kalian bertepatan dengan tujuh malam akhir Ramadhan. Sesiapa yang mahu mencarinya, hendaklah mencari ia pada tujuh malam akhir Ramadhan. [Sahih al-Bukhari, Kitab Solat at-Tarawih, hadis no: 1885]

Malam tersebut dingin

لَيْلَةٌ سَمَحَةٌ طَلْقَةٌ لَا حَارَّةَ وَلَا بَارِدَةً تُصْبِحُ شَمْسُهَا صَبِيحَتَهَا ضَعِيفَةً حَمْرَاءَ

Malam yang tenang, cerah, tidak panas, dan tidak juga sejuk. Pada pagi keesokannya, matahari memancar tidak terlalu panas dan berwarna kemerahn. [Syu'ab al-Iman, Iltilimasu Lailatul Qadar, hadis no: 3408. Ulama khilaf ia hadis dhaif atau hasan]

Bagaimana Memburu Pahala Lailatul Qadar

I'tikaf

عَنْ أَبِي هُرَيْرَةَ رَضِيَ اللَّهُ عَنْهُ ، قَالَ : " كَانَ النَّبِيُّ صَلَّى اللَّهُ عَلَيْهِ وَسَلَّمَ يَغْتَكِفُ فِي كُلِّ رَمَضَانَ عَشْرَةَ أَيَّامٍ ، فَلَمَّا كَانَ الْعَامَ الَّذِي فُيْضَ فِيهِ ، اغْتَكَفَ عَشْرِينَ يَوْمًا "

Abu Hurairah radiallahu 'anhu berkata: Nabi sallallahu 'alaihi wa sallam biasa beri'tikaf pada bulan Ramadhan selama sepuluh hari. Namun pada tahun wafatnya, Baginda beri'tikaf selama dua puluh hari". [Sahih al-Bukhari, Kitab al-I'tikaf, hadis no: 1913]

عَنْ عَائِشَةَ رَضِيَ اللَّهُ عَنْهَا رَوَى النَّبِيُّ صَلَّى اللَّهُ عَلَيْهِ وَسَلَّمَ ، " أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ يَغْتَكِفُ الْعَشْرَ الْأَوَاخِرَ مِنْ رَمَضَانَ حَتَّى تَوَفَّاهُ اللَّهُ " ، ثُمَّ اغْتَكَفَ أَزْوَاجَهُ مِنْ بَعْدِهِ .

'Aisyah radiallahu 'anha meriwayatkan Nabi sallallahu 'alaihi wa sallam beri'tikaf pada sepuluh hari yang akhir daripada Ramadhan sehingga Allah mengambil nyawanya, setelah kewafatan baginda isteri-isteri baginda pun beri'tikaf [Sahih al-Bukhari, Kitab al-I'tikaf, hadis no: 1896]

Bersungguh-sungguh beribadah

عَنْ عَائِشَةَ رَضِيَ اللَّهُ عَنْهَا ، قَالَتْ : " كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا دَخَلَ الْعَشْرُ ، أَحْيَا اللَّيْلَ ، وَأَيَّقَطَ أَهْلَهُ ، وَجَدَّ وَشَدَّ الْمِئْزَرَ "

'Aisyah radiallahu 'anha berkata: Rasulullah sallallahu 'alaihi wasallam apabila masuk ke dalam sepuluh akhir (Ramadhan), baginda sallallahu 'alaihi wasallamakan menghidupkan malamnya (dengan ibadah), mengejutkan ahli keluarganya, dan memperketatkan kain sarungnya (menjauhi daripada melakukan hubungan seksual dengan isteri-isterinya) [Sahih Muslim, Kitab al-I'tikaf, hadis no: 2015]

عَنْ عَائِشَةَ ، قَالَتْ : كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ " يَجْتَهِدُ فِي الْعَشْرِ مَا لَا يَجْتَهِدُ فِي غَيْرِهِ "

'Aisyah radiallahu 'anha berkata: Rasulullah sallallahu 'alaihi wasallam ser-

عَنْ عَائِشَةَ ، قَالَتْ : كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ " يَجْتَهِدُ فِي الْعَشْرِ مَا لَا يَجْتَهِدُ فِي غَيْرِهِ "

'Aisyah radiallahu 'anha berkata: Rasulullah sallallahu 'alaihi wasallam sering berusaha bersungguh-sungguh (beribadah) pada sepuluh akhir (Ramadhan) melebihi kesungguhannya pada bulan-bulan yang lain [Musnad Ahmad, Hadis as-Sayyidah 'Aisyah, hadis no : 23968, Shaikh al-Arnaouth berkata: Isnadnya sahih]

Imam Sufyan at-Tsauri rahimahullah berkata:

أَحَبُّ إِلَيَّ إِذَا دَخَلَ الْعَشْرَ الْأَوَاخِرَ أَنْ يَتَّحِدَ بِاللَّيْلِ وَيَجْتَهِدَ فِيهِ وَيَنْهَضَ أَهْلُهُ وَوَلَدُهُ إِلَى الصَّلَاةِ إِنْ أَطَاعُوا ذَلِكَ

Apabila masuknya sepuluh akhir Ramadhan, aku suka untuk melakukan tahajjud pada waktu malam dan bersungguh-sungguh melakukannya. Sufyan at-Tsauri rahimahullah juga akan mengejutkan ahli keluarganya untuk mendirikan solat seandainya mereka mampu melakukannya. [Lathoif al-Maarif m/s 160]

Imam Ibn Rajab al-Hanbali rahimahullah menyatakan:

Sebahagian ulama mazhab Syafie menakalkan riwayat daripada Ibn 'Abbas radiallahu 'anhu bahawa menghidupkan malam Lailatul Qadar akan terhasil apabila seseorang mendirikan solat 'Isya' secara berjemaah dan berazam untuk melakukan solat Subuh secara berjemaah jua. Imam Malik merekodkan dalam al-Muwatta' bahawa Imam Ibn al-Musayyib berkata: Sesiapa yang bertemu dengan Lailatul Qadar bermaksud (yang mendirikan solat) dalam berjemaah (pada malam tersebut), maka dia akan memperolehi kebaikan malam itu. Begitu jualah yang dikatakan oleh Imam asy-Syafie rahimahullah dalam pendapat lamanya : Sesiapa yang mendirikan solat Isya' dan Subuh pada malam Lailatul Qadar, maka dia akan memperoleh kebbaikannya. [Lathoif al-Maarif m/s 159]

I'tikaf.....

APAKAH MAKSUD I'TIKAF?

الْبُتُّ فِي الْمَسْجِدِ عَلَى صِفَةٍ مَخْصُوصَةٍ بِنِيَّةٍ

Duduk di dalam masjid dengan sifat-sifat yang khas dan dengan niat (ibadah) [Al-Mausu'ah Al-Fiqhiyyah Al-Kuwaitiyyah]

Dr. Khalid al-Musyaiqih menyatakan dalam Fiqh al-I'tikaf:

يتفق قول الفقهاء على أنه في الشرع: لزوم مسجد لطاعة الله تعالى.

Ulama feqah bersepakat bahawa maksud I'tikaf di sisi syara' ialah melazimi masjid untuk mentaati Allah.

DALIL-DALIL PENSYARIATAN I'TIKAF:

Dalil al-Quran:

وَلَا تُبَاشِرُوهُنَّ وَأَنْتُمْ عَاكِفُونَ فِي الْمَسَاجِدِ الْبَقَرَةُ : 187

Dan janganlah kamu campuri mereka (iaitu isteri-isteri kalian(itu, sedang kamu beri'tikaf dalam masjid"[Al-Baqarah : 187]

Dalil-dalil As-Sunnah:

عَنْ أَبِي هُرَيْرَةَ رَضِيَ اللَّهُ عَنْهُ ، قَالَ : " كَانَ النَّبِيُّ صَلَّى اللَّهُ عَلَيْهِ وَسَلَّمَ يَعْتَكِفُ فِي كُلِّ رَمَضَانَ عَشْرَةَ أَيَّامٍ ، فَلَمَّا كَانَ الْعَامُ الَّذِي فُيْضَ فِيهِ ، اعْتَكَفَ عَشْرِينَ يَوْمًا

Abu Hurairah radiallahu 'anhu berkata: Nabi sallallahu 'alaihi wa sallam biasa beri'tikaf pada bulan Ramadhan selama sepuluh hari. Namun pada tahun wafatnya, Baginda beri'tikaf selama dua puluh hari".[Sahih al-Bukhari, Kitab al-I'tikaf, hadis no: 1913]

HUKUM I'TIKAF

قال ابن المنذر:

"وأجمعوا على أن الاعتكاف سنة لا يجب على الناس فرضاً إلا أن يوجبه المرء على نفسه نذراً فيجب عليه وقد نقله أيضاً ابن حزم، والنووي، وابن قدامة، وشيخ الإسلام، والقرطبي، وابن هبيرة، والزرکشي، وغيرهم.

Imam Ibn al-Munzir berkata: Ulama telah sepakat bahawa hukum I'tikaf adalah sunat, dan tidak wajib ke atas manusia melainkan jika seseorang mewajibkan ke atas dirinya dengan bernazar, maka ketika itu hukumnya wajib. Kesepakatan tentang hukum ini turut dinukilkan oleh Ibn Hazm, An-Nawawi, Ibn Qudamah, Ibn Taimiyyah, al-Qurthubi, Ibn Hubairah, al-Zarkasyi dan lain-lain. [Fiqh al-I'tikaf]

BATASAN WAKTU:

Ulama' berbeza pendapat tentang minimum waktu I'tikaf. Majoriti ulama' berpendapat bahawa tiada masa minima untuk I'tikaf. I'tikaf sah walau hanya duduk seketika di dalam masjid. Al-

Imam An-Nawawi rahimahullah berkata:

وَأَمَّا أَقَلُّ الْأَعْيَافِ فَالصَّحِيحُ الَّذِي قَطَعَ بِهِ الْجُمْهُورُ أَنَّهُ يُشْتَرَطُ لُبُّهُ فِي الْمَسْجِدِ ، وَأَنَّهُ يَجُوزُ الْكَثِيرُ مِنْهُ وَالْقَلِيلُ حَتَّى سَاعَةً أَوْ لَحْظَةً

Adapun tentang minima tempoh I'tikaf, pendapat yang benar yang diputuskan oleh jumhur ulama' ialah disyaratkan berada di dalam masjid, dan dibenarkan melakukannya dalam tempoh yang panjang mahupun pendek, hatta walau satu jam mahupun seketika" [al-Majmu']. Akan tetapi digalakkan I'tikaf 24 jam selama 10 hari akhir Ramadhan kerana itulah praktis Rasulullah sallallahu 'alaihi wasallam.

Sebahagian ulama berkata minimanya ialah satu malam, iaitu daripada Maghrib hingga Subuh kerana Umar r.a pernah bernazar I'tikaf pada waktu malam sahaja.

DI MANAKAH LOKASI I'TIKAF?

Ulama sepakat bahawa I'tikaf mesti dilakukan di masjid.

Ini berdalilkan ayat berikut ayat 187 surah al-Baqarah: "..... Sedang kamu beri'tikaf dalam masjid".

Akan tetapi para ulama' berbeza pendapat adakah ia sah dilakukan di semua masjid yang mendirikan solat lima waktu berjemaah, atau hanya untuk masjid jami'/masjid yang dilakukan solat fardhu Jumaat atau hanya khusus untuk 3 buah masjid sahaja?

Terdapat beberapa pendapat yang dinukilkan dalam Fiqh al-I'tikaf,

- 1) Di setiap masjid (dalam konteks Malaysia termasuklah surau-surau di pejabat atau sekolah yang bukan sentiasa ada orang solat jemaah,) walaupun di situ tiada solat jemaah dan Jumaat. Ini merupakan pendapat mazhab Maliki dan Syafie. Akan tetapi mereka mewajibkan untuk I'tikaf di masjid yang ada solat Jumaat apabila hari I'tikaf itu termasuk hari Jumaat.
- 2) Di masjid yang sentiasa ada solat jemaah (dalam konteks Malaysia termasuklah surau-surau di kawasan perumahan, tetapi tidak termasuk surau sekolah, pejabat kerana ada waktu yang tiada jemaah). Ini merupakan pendapat mazhab Hanafi.
- 3) Di masjid yang ada solat jemaah dan solat Jumaat/masjid Jami'.
- 4) Untuk wanita boleh I'tikaf dalam bilik khas solat dalam rumahnya. Akan tetapi ini pendapat yang lemah kerana isteri-isteri Rasulullah sallallahu 'alaihi wasallam melakukan I'tikaf di masjid Nabawi.

Untuk keluar daripada khilaf, seeloknya kita melakukan I'tikaf di masjid yang ada solat jemaah dan solat Jumaat yang dipanggil masjid Jami'.

BILAKAH BERMULANYA WAKTU I'TIKAF 10 AKHIR RAMADHAN?

Pendapat pertama: Masuk ke masjid sebelum masuk waktu Maghrib 20 Ramadhan. Ini merupakan pendapat jumhur empat mazhab.

Pendapat kedua: Selepas Solat Subuh 21 Ramadhan. Ini merupakan pendapat Al-Imam Al Auza'ie, Al-Laits dan At-Tsauri, Al Hafiz Ibn Hajar al-Asqalani dan Al-Imam As-Son'ani Rahimahumullah. Mereka berdalilkan hadis berikut:

عَنْ عَائِشَةَ رَضِيَ اللَّهُ عَنْهَا ، قَالَتْ : " كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَعْتَكِفُ فِي كُلِّ رَمَضَانَ ، وَإِذَا صَلَّى الْعِدَاةَ دَخَلَ مَكَانَهُ الَّذِي اعْتَكَفَ فِيهِ ، قَالَ : فَاسْتَأْذَنَتْهُ عَائِشَةُ أَنْ تَعْتَكَفَ ، فَأَذِنَ لَهَا ، فَصَرَبَتْ فِيهِ قُبَّةً ، فَسَمِعَتْ بِهَا حَفْصَةُ ، فَصَرَبَتْ قُبَّةً ، وَسَمِعَتْ زَيْنَبُ بِهَا ، فَصَرَبَتْ قُبَّةً أُخْرَى ، فَلَمَّا انْصَرَفَ رَسُولُ اللَّهِ صَلَّى اللَّهُ عَلَيْهِ وَسَلَّمَ مِنَ الْعِدَاةِ ، أَبْصَرَ أَرْبَعَ قِيَابٍ ، فَقَالَ : مَا هَذَا ؟ فَأُخْبِرَ خَبَرَهُنَّ ، فَقَالَ : مَا حَمَلَهُنَّ عَلَى هَذَا الْبُرِّ ، انْزِعُوها فَلَا أَرَاهَا ، فَنَزَعَتْ فَلَمْ يَعْتَكَفْ فِي رَمَضَانَ ، حَتَّى اعْتَكَفَ فِي آخِرِ الْعَشْرِ مِنْ شَوَّالٍ

'Aisyah radiallahu 'anha berkata: Rasulullah sallallahu 'alaihi wasallam melakukan I'tikaf dalam setiap Ramadhan. Apabila selesai solat Subuh, baginda akan masuk ke dalam tempat I'tikafnya. Lalu 'Aisyah meminta izin untuk turut beri'tikaf, lalu baginda mengizinkannya. 'Aisyah pun mendirikan khemah di situ, lalu Hafsah mendengar tentang hal tersebut, lalu Hafsah pun mendirikan khemah, lalu Zainab pula mendengar tentang hal itu, lalu Zainab pun mendirikan khemah yang lain. Apabila Rasulullah sallallahu 'alaihi wasallam selesai daripada solat Subuh, baginda terlihat empat buah khemah lalu baginda berkata: Apa ini? Lalu baginda diberitahu tentang hal mereka itu. Lalu baginda pun berkata: Mereka bukan melakukan kebaikan. Tanggalkan semua khemah ini, aku tidak mahu melihatnya. Lalu khemah-khemah pun dibuka dan baginda tidak melakukan I'tikaf pada Ramadhan tersebut, sehinggalah baginda melakukan I'tikaf pada sepuluh akhir bulan Syawal.

[Sahih al-Bukhari, Kitab al-I'tikaf, hadis no: 1910]

Untuk lebih berhati-hati dicadangkan agar mengambil pendapat pertama agar tidak terlepas malam Lailatulqadar seandainya ia berlaku pada malam 21 Ramadhan.

PERKARA YANG MEMBATALKAN I'TIKAF

1) Keluar masjid tanpa alasan syar'i dan tanpa ada keperluan.

Ulama sepakat keluar daripada masjid atas keperluan yang tidak dapat dilakukan di masjid seperti buang air, makan dan minum apabila tiada makanan di masjid dan lain-lain tidak membatalkan I'tikaf. Jika keluar masjid tanpa keperluan mereka juga sepakat ia membatalkan I'tikaf [Fiqh al-I'tikaf]

Ini berdasarkan riwayat-riwayat berikut yang menunjukkan hanya boleh keluar apabila ada keperluan.

عَنْ عَائِشَةَ ، قَالَتْ : " كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا اغْتَسَلَ ، يُدْنِي إِلَيَّ رَأْسَهُ ، فَأُرجِلُهُ ، وَكَانَ لَا يَدْخُلُ الْبَيْتَ ، إِلَّا لِحَاجَةِ الْإِنْسَانِ . "

'Aisyah berkata: Nabi sallallahu 'alaihi wasallam apabila melakukan I'tikaf, baginda akan menghulurkan kepalanya kepada aku lalu aku menyikatnya. Baginda tidak akan masuk ke dalam rumah melainkan untuk hajat biasa seorang manusia (iaitu membuang air) [Sahih Muslim, Kitab al-Haidhi, hadis no: 450]

أَنَّ صَفِيَّةَ، زَوْجَ النَّبِيِّ صَلَّى اللَّهُ عَلَيْهِ وَسَلَّمَ أَخْبَرَتْهُ أَنَّهَا جَاءَتْ رَسُولَ اللَّهِ صَلَّى اللَّهُ عَلَيْهِ وَسَلَّمَ تَزُورُهُ فِي اعْتِكَافِهِ فِي الْمَسْجِدِ، فِي الْعَشْرِ الْأَوَاخِرِ مِنْ رَمَضَانَ، فَتَحَدَّثَتْ عِنْدَهُ سَاعَةً، ثُمَّ قَامَتْ تَنْقَلِبُ، فَقَامَ النَّبِيُّ صَلَّى اللَّهُ عَلَيْهِ وَسَلَّمَ مَعَهَا يَقْلِبُهَا،

Sofiyyah radiallahu 'anha menceritakan bahawa dia pergi menziarahi Rasulullah sallallahu 'alaihi wasallam di tempat I'tikafnya di masjid pada sepuluh akhir Ramadhan, lalu berbual-bual seketika dengan baginda. Kemudian beliau bangun untuk pulang, lalu Rasulullah sallallahu 'alaihi wasallam berdiri bersama untuk menemaninya. [Sahih al-Bukhari, Kitab al-I'tikaf, hadis no: 2035]

2) Jima' (bersetubuh) -Ibn al-Munzir telah menukil ijma'/kesepakatan ulama' bahawa yang dimaksudkan dengan mubasyarah dalam surat Al Baqarah ayat 187 adalah jima' (hubungan intim)

ADAB-ADAB I'TIKAF

- Seseorang itu hendaklah memfokuskan untuk melakukan ibadah-ibadah seperti membaca al-Quran, solat sunat, berzikir dan sebagainya. Kerana itu adalah fokus I'tikaf.
- Antara kesilapan yang sering berlaku ialah apabila masa I'tikaf dihabiskan dengan banyak tidur dan berbual-bual.
- Kebersihan masjid juga hendaklah dijaga.
- Peralatan yang dibawa hendaklah dikemaskan agar tidak mengganggu orang yang solat.

BOLEHKAH WANITA HAIDH MENDAPAT LAILATUL QADR

Shaikh Uthman al-Khamees berkata: <http://www.almanhaj.com/vb/showthread.php?t=24822>]

والحيض مرض عارض يمنع صاحبه مما كانت تفعله وهي صحيحة، فإذا أتاها وكان لها رصيد من العبادة، وعادة من الطاعة لم يمنعها من مواصلتها إلا الحيض فإن لها من الأجر مثل ما كانت تعمل وهي صحيحة

Haidh adalah penyakit yang menghalang pemiliknyanya daripada melakukan kebiasaan yang dilakukan ketika sihat. Seandainya datangnya haidh sedangkan dia memiliki ibadah yang biasa dia lakukan, dan tiada apa yang menghalangnya daripada terus melakukannya melainkan haidh. Maka si wanita ini akan tetap menerima pahala sebagaimana ketika dia beramal dalam keadaan tidak haidh

Oleh itu mereka yang haidh, atau penat bekerja sehingga tertidur pada malam al-Qadar, sakit atau ada sebab-sebab lain menyebabkan tidak dapat membanyakkan ibadah pada waktu malam. Hendaklah mereka bersungguh-sungguh beribadah di waktu mereka suci, lapang dan sihat. Perbanyakkanlah ibadah di waktu malam sejak minggu pertama Ramadhan. Istiqamahlah solat terawih dan membaca al-Quran. Jika ditakdirkan haidh datang pada sepuluh akhir Ramadhan, insya-Allah pahala itu tetap berjalan kerana konsistennya kita melakukan sejak awal Ramadhan ketika suci. Renungilah hadis di bawah:

Abu Burdah berkata:

سَمِعْتُ أَبَا مُوسَى مِرَارًا يَقُولُ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ " إِذَا مَرِضَ الْعَبْدُ أَوْ سَافَرَ، كُتِبَ لَهُ مِثْلُ مَا كَانَ يَعْمَلُ مُقِيمًا صَحِيحًا "

Aku mendengar Abu Musa berulang kali menyebutkan: Rasulullah sallallahu 'alaihi wasallam bersabda: Apabila seseorang itu sakit atau bermusafir, maka ditulis baginya (pahala) sebagaimana ketika dia beramal dalam keadaan bermukim dan sihat [Sahih al-Bukhari, Kitab al-Jihad wa as-Siyar, hadis no: 2996]

BOLEHKAH WANITA MELAKUKAN I'TIKAF?

Wanita juga boleh melakukan I'tikaf.

Ini berdasarkan kisah isteri-isteri nabi sallallahu 'alaihi wasallam di atas dan dalil-dalil berikut.

عَنْ عَائِشَةَ رَضِيَ اللَّهُ عَنْهَا زَوْجِ النَّبِيِّ صَلَّى اللَّهُ عَلَيْهِ وَسَلَّمَ ، " أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ يَعْتَكِفُ الْعَشْرَ الْأَوَّلَ مِنْ رَمَضَانَ حَتَّى تَوَفَّاهُ اللَّهُ " ، ثُمَّ اعْتَكَفَ أَزْوَاجُهُ مِنْ بَعْدِهِ .

'Aisyah radiallahu 'anha meriwayatkan Nabi sallallahu 'alaihi wa sallam beri'tikaf pada sepuluh hari yang akhir daripada Ramadhan sehingga Allah mengambil nyawanya, setelah kewafatan baginda isteri-isteri baginda pun beri'tikaf [Sahih al-Bukhari, Kitab al-I'tikaf, hadis no: 1896]

Bagi wanita yang sudah berkahwin, mereka perlulah mendapatkan keizinan daripada suami terlebih dahulu.

BOLEHKAH WANITA HAIDH BERI'TIKAF?

Bagi mereka yang berpegang wanita haidh boleh masuk masjid, dan puasa bukan syarat I'tikaf, maka wanita haidh juga boleh beri'tikaf. [Sahih Fiqh as-Sunnah]

Doa Malam Lailatul Qadar

عَنْ عَائِشَةَ , أَنَّهَا قَالَتْ : يَا رَسُولَ اللَّهِ , أَرَأَيْتَ إِنْ وَافَقْتُ لَيْلَةَ الْقَدْرِ مَا أَدْعُو ,
قَالَ : " تَقُولِينَ : اللَّهُمَّ إِنَّكَ عَفُوٌّ تُحِبُّ الْعَفْوَ فَاعْفُ عَنِّي

'Aisyah radiallahu 'anhu berkata Wahai Rasulullah sallallahu 'alaihi wasallam, apa pendapat engkau, seandainya aku mengetahui malam yang manakah adalah malam Lailatul Qadar, apa yang patut aku baca pada di dalam doa? Jawab baginda sallallahu 'alaihi wasallam : Bacalah : Ya Allah, sesungguhnya Engkau Pemaaf, Engkau jua Mencintai Kemaafan, maafkanlah aku

[Sunan Ibn Majah, Kitab ad-Dua', hadis no: 3848, Shaikh al-Albani mensahihkannya]

Pelajar
RM100
Awam
RM120

al Asma'
al Husna

seminar akidah

MEMAHAMI NAMA NAMA ALLAH YANG INDAH

•USTAZ TUAN BADRUL •USTAZ HALIM HASSAN

•USTAZ YUSOF ARBAIN •DR ABDULLAH YASIN



alkahfiservices



013-315 6204


013-659 1241

daftar:

bit.ly/nama-nama-allah

13 & 14 September 2014

UIA Gombak



Daftar Segera!!!!